



Prot. N. 810/20/I

DECRETUM

PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis ab Excmo Domino Ioanne Accolla, Archiepiscopo Metropolita Messanensi-Liparensi-Sanctae Luciae, una cum Rectore Messanensis Basilicae Sanctuarii, sub tit. Sacr.mi Cordis Iesu et Sancti Antonii, in centesimo anniversario eiusdem Sanctuarii, de caelestibus Ecclesiae thesauris benigne concedit plenariam Indulgentiam suetis sub condicionibus (sacramentali Confessione, eucharistica Communione et oratione ad mentem Summi Pontificis) a christifidelibus vere paenitentibus atque caritate compulsionis, a die XI Aprilis MMXXI usque ad diem XXIV Aprilis MMXXII lucrardam, quam etiam animabus fidelium in Purgatorio detentis per modum suffragii applicare possint, si praefatum Sanctuarium turmatim vel singillatim in forma peregrinationis inviserint et iubilaribus ritibus devote interfuerint, vel saltem coram Sancti Hannibalis Mariae Di Francia exuviis ibi piissime adservatis per congruum temporis spatium piis vacaverint considerationibus, concludendis Oratione Dominica, Symbolo Fidei invocationibusque Beatae Mariae Virginis, Sancti Antonii Patavini et Sancti Hannibalis Mariae Di Francia.

Senes, infirmi omnesque qui gravi causa domo exire nequeunt, pariter plenariam consequi poterunt Indulgentiam, concepta detestatione cuiusque peccati et intentione praestandi, ubi primum licuerit, tres consuetas condiciones, si iubilaribus celebrationibus se spiritualiter adiunixerint, precibus doloribusque suis vel incommodis propriae vitae misericordi Deo oblati.

Quo igitur accessus, ad divinam veniam per Ecclesiae claves consequendam, facilior pro pastorali caritate evadat, haec Paenitentiaria enixe rogat ut Patres ex Congregatione Rogationistarum a Corde Iesu, quibus Messanense Sanctuarium commissum est, prompto et generoso animo, celebrationi Paenitentiae sese praebant.

Praesenti pro hac vice tantum valituro. Non obstantibus in contrarium facientibus quibuscumque.

Datum Romae, ex aedibus Paenitentiariae Apostolicae, die IX mensis Aprilis, anno Dominicae Incarnationis MMXXI.

Maurus Card. PIACENZA
MAURUS Card. PIACENZA
Paenitentiarius Maior

Christophorus Nykiel
CHRISTOPHORUS NYKIEL
Regens